



天恩山人詩集卷六

鎮海謝泰宗時望著

八世孫駿德重校刊

今體詩

大庾嶺

庾勝提兵南討時越王臺畔整前麾  
七閩遙瞰星槎泛五嶺開先雲  
兩師險劃瘴天秦日月地通絕道  
漢威儀無論輪載南金貨橫笛吹  
來香滿颺

已卯文闈口占

斗杓初轉露華勻闈棘嚴更夢裏  
頻自憶懸梁祈入彀可容捉筆易  
生瞋孤寒八百風塵望旗幟中原  
物色新慮有驪珠滄海在還須細  
與起淹淪

天恩山人詩集

卷六

今體詩

已卯武闈口占

車軸琵琶壯士行翹門格合邁時  
英只因徒負千城用更試師中韜  
略明折節自無長劍氣披圖精悉  
古人情五花原屬儒家事推轂登  
壇今日盟

飛來寺

三水縣江口

真俊緣成延祚禪從空臺殿做諸  
天一峰對指西樵迴衆壑湍迴北  
斗連旛影入雲危欲沒蒲團坐月  
靜忘年要知定力功深後縱使飛  
來石也堅

已卯勦撫盤古十八崗

五服勤修化久宣不堪臥榻側人  
眠荆蠻膽落師干試方叔謀仲樽  
俎前鼠竄比於追獲罪壺迎自合  
櫬輿牽王師

自古無全殺舒爾殘生好力田

負固南荒古尚天監師捧詔促征鞭山通左擔羊腸徑路  
繞層岬鳥道邊三鼓岷嶓專作氣一聲霹靂銳無前君王  
不盡提戈意留取刀頭血半澣

有征無戰鼓闐齧誰敢顏行戈倒懸遲爾魂遊湯火命難  
容對壘死生憐殊恩一道更新路攜累于聲乞暫延都與  
編氓聯作甲闢來疆土盡王田

擒王妙手奪人先鳳字梟名五嶺傳効爾尉陀堅負命豈  
知庾勝慣樓船沙場夜月悲燐火并竈荒村淨突烟只爲  
物生良莠別恩開面網洗前愆

鳳字賊首名

陳貴縣順吾園

天恩山人詩集

卷六

今體詩

二

魚鳥忘機水自親樂游遂有蚤行人青春作吏頻看劍白  
雪成篇未厭貧家近南山雲外見宦來北闕倦游身園亭  
誰主容相問肯許登臨一掃塵

日涉爲園趣更親碧梧芳草代娛賓竹看滿徑人嫌俗魚  
在懸梁客自貧樵牧歸途風月伴簿書鞅掌馬牛身暫寬  
腰束非云嬾怕慣紅隨車馬塵

鶯喚春風柳色烟河陽一路看花天歌謳桑下祈蠶市耕  
望官司給犢錢夜月不堪鴻雁叫鳴琴喜有鷓鴣弦看來  
樂事原多地總在遊人得我先

海珠寺

羊城南眺大江開湧出光明土一坏月浸巖城浮五色星

臨紺殿映三台浮沈兀沉中流影鐘磬聲聞兩岸迴殊笑  
越王山頂望波心燈火自樓臺

珠原在海不須猜媚是何年長綠苔玉鏡波浮三水接石  
門峰近二禺來鐘鼓龍藏禪關月身傍仙都星聚臺無限  
一江秋色好那堪擎杖看人顛

午日觀龍舟

太平此日天中候風物當年再觀時人戲水龍翻雪浪酒  
刊蒲玉薦瑤卮笙歌雜進巴渝舞屏障誰傳晉魏詞最是  
游人歡不極海棠溪上夜忘疲

歌驪宴

錦城春色別韶光歌轉鶯聲引客狂蘭佩香餘風起袖翠  
天恩山人詩集

卷六

今體詩

三

袞暖徹月臨牀相思似怯巫山雨重會頻將候館觴津鼓  
欲沈金鑰靜斷紅難倩在紗窗

四明山

萬有三千聳翠嶢崑崙不似此峰遙石窗日月經營道天  
闕風雲來往宵一望丹山連斗壁四周赤水湧江潮道書  
久著名山洞咫尺蓬瀛仙可招

次金山

山容出岫露華浮潮去潮來此一舟嶂絕猿哀楓葉下月  
明僧定大江流漁歌雨棹雲叢暮龍起雷鳴天盡秋洗徹  
六王脂粉面朝來爽氣中人幽

桃源覓旅店

霞邊鶯影帶烟微  
山色沈浮夕照依  
渡古橫舟漁泛泛  
車勞倦客駟駢駢  
已拚酩酊微村話  
欲夢家鄉羨鳥歸  
于羽未甯方有志  
雞棲不敢款柴扉

皇姑寺姑曾諫英廟北征不聽  
跌坐以逝

殊損熙朝多士賢  
皇姑諫草欲回天  
生時痛哭慚無補  
化去陳言憶見憐  
檻折何心名姓隱  
駕旋旌直女師  
先保明嘉錫千年寵  
賜額順天保明留得青絲映佛蓮

與汪長源太史夜話時張爲佳伍竹穎二孝廉同座

良圖不謂紀蘭亭  
梧竹幽窗相對醒  
晦雨雞鳴申旦誓  
甲霞虎觀細談經  
吳鉤影淬凝霜白  
歐劍光寒拂柳青  
黃石天愚山人詩集  
卷六 今體詩 四  
一編抽匱室雙龍  
霧合運南溟

漢武侯宋鄂王信國三忠祠

天定誰人鼓未衰  
挽河赤手挺男奇  
鼎分絕祚持璋弱  
幟表精忠憤檜欺  
莫濟贛州初入衛  
從容燕市且裁詩  
死生總屬君恩大  
千載如存同所期

夏日偶過董天儀邨居釀飲

單車伏喝暫思休  
春糞邨居香欲浮  
客爲忘形頻解帶  
杯因無量故深求  
風塵自隔虛窗迥  
詩句多從象外幽  
牧唱橫吹隴笛晚  
高陽河朔一時收

爲南海花田賦二首

美人春豔簇花英  
魂魄留香遍地生  
非樹雪疑瓊作宇  
蔓

藤風與月同盟不耕樂有田園利  
敲枕馨聞膏沐清安得  
遷居常結伴朝來攜手任游行

茗傳那悉外邦生喚作劉家侍女名  
琪樹島懸仙子國花  
田春覆錦官城香風送雨胭脂溼  
媚氣浮雲衣袖輕一望  
周原何馥郁西樵景韻不勝情

和姜桐侯泛鳧吟

不定鳧鷗好作盟擔頭書劍曉雲橫  
四腮白吐明山月千  
里青看華岳城羅宿胸芒常近斗生花  
筆彩擲成聲試將  
硯北爲耕舌換取終軍羈粵纓

何處春風客郵遲囊奚六逸補新詩  
寒光入劍霜鋪練醉  
色浮杯月過楣千仞振衣收海氣五侯傳食捧槃區黃金

天愚山人詩集

卷六

今體詩

五

燕市高臺價任爾逃名名自隨

蚤春觀獵

狩餘膠折肅軍裝具舉公徒策乘黃  
狻鶴陣開卻月影蛟  
龍血濺錦雲裳三千被練稱狙擊  
十乘材官慣蹶張講武  
四時原不廢旬芒此日掃欃槍

始和蒐事建高牙小試雕弓舞鐵槌  
青海陣雲培鷲擊綠  
沈組舞斤龍沙天狼投畀崑岡火旄騎鳴悲絕塞  
笳鈴閣  
招搖堪繕怒先聲麾攝已柔遐

聞陸中條連月不庭賦候

衆山常在臥游回不藉安絃響奏來秋  
泛黃花憐並貌藥  
兼紅友好浮杯羞人舞鶴容偷整適意梁魚樂鼓頤肘上

柳生詢肘後千金一訣妙靈臺

白芍藥

醉眼紅翻鬪砌鮮東風何處舞蹁躑夢遊快憶龜茲枕圖  
畫烟浮摩詰川蠲忿已開難笑口可離留贈坐花筵玉盤  
擎出嫦娥面身傍天宮第幾仙

天童弟避酒靈峰詩以招之兼呈杜言覺士

風肅林和威落曦老僧留客罄二瓶詩吟昔句如方調山  
看今容憶往時步竹月明珊佩影尋流風送好花枝避人  
盡得遊如許豈必車塵歎力疲

對酒衷腸問菊知借書魚送一開瓶禪迷文字言言障仙  
到津梁處處疲燭翦西窗無盡話鳥驚海曙有高枝興來

天愚山人詩集

卷六

今體詩

六

回撥山陰棹只在山陰何弗宜

將赴王園阻雨

爲借春餘結勝遊乍晴乍雨賞花秋誰將南國佳人淚灑  
作西窗一夜愁林鳥幽啼遲客至高枝低媚減紅稠舉頭  
已覩黃梅熟銀竹森森看未收

不遠爲遊多會心豈期農種恰逢壬城連海霧迷滄島春  
惜花香故久陰苔溼馬蹄羞滑徑粉收蝶翅廢幽尋徘徊  
思奪神工巧百寶欄妝寄舊林

鄭玉汝明府自衛輝書至

河陽花色尙餘鮮人在青巖尺五天食德敢忘慈母報牽  
衣猶憶使君前五雲曉望蒼山出千里懷深海岱連金玉

不遯空谷裏益教跂足羨班仙

何漢生六句

成林著作舊知名彈鋏歸來餘此生甲子數同天地老庚  
申羞與鬼神爭避秦別有桃源路臘漢安知榆火更一曲  
南飛明月夜鑑湖春色倍增清

鼉聲

鞠灰灑爾法何苛我向華林聽好歌春去人間渾未覺聲  
來枕畔問監河官私不擇都盈耳簫管連宵起睡魔最是  
當車堪鼓腹越王式怒教揮戈

室有停潦

暫能容膝一氓廛食臘猶疑是漢年日射疏櫺天外坐溝  
天愚山人詩集

卷六

今體詩

七

盈積澮地皆泉防川有戒疏爲貴瀉壑無鄰勢自偏缺陷  
方能成世界何妨涉足把裳褰

課種園蔬

明志將來分內求居諸肯擲水東流窗餘綠潤三春雨圃  
足青畦四月秋柳折有人樊早植菜根無味食常羞兒童  
只顧耨鋤弄淡泊經營我自謀

博奕無能老圃身問花栽竹喜逢春但求無曠西山土甘  
作熙時東海人不顧揮金清夜氣枉窺輟讀結山鄰語來  
碌軸場中話肯厭風輕入耳頻

答鍾梅城年友

齊年廿載附高標共見桑田歸暮樵君自承明錢萬選我

依濠上迹孤超燕臺駿價如堪贈越嶠魚書起碧霄莫問  
羊裘千古事客星近映寶山椒

連譜何人鮮及肩調飢自切夢迴還幾看六翮青雲翰快  
讀三秋白雪篇笠不車隨愧傾蓋李將裾報過周旋加餐  
好慰蒼生望莫論知交願執鞭

偶見茉莉花

九里花田窈窕娘玉搔頭插鬢邊香天葩不變生來種暗  
麝長生暑座涼瘴海風移儂耳俗春光留伴荔枝傍藥欄  
芳氣渾如昨南國佳人空繫腸

城北古廟池荷久廢

清池一畝種芙蓉喜伴松林古廟鐘曉日紅窺簾影薄香  
天愚山人詩集 卷六 今體詩

入

風清送鼎烟重卽慙冰壑兼時美竊附華山泥底封何自  
芟衣零且落看花還憶舊芳容

亭亭飛蓋水中居秀挺紅妝花婕妤窈窕若堪君子意往  
來不厭短轅車青錢剝盡歸靈沼碧盃浮香想望舒知爲  
西施頻欲採朱華未敢出泥淤

客座間有孤鷓自落于庭

高飛豈樂有離羣何事孤寒礙入雲未見加餐繫足下誰  
來鈴響動聲聞偶離四面驚鴻網奮起尋常斥鷃粉坐久  
快聆天上語遣將羽客報知君

集天申齋頭客散後復與慶臣姪更酌

良夜清樽酒自開城頭鐘鼓共徘徊且漚四海昆同氣更

接聯鑣仙子才秋色劍看杯共白論文燭短月還來何須  
問客留檀板庭樹參差影過臺

秋夜酌任捷之將有西粵之行

開樽風雨海鳴秋驚起征人客夢愁左肅尉陀終事漢樓  
船楊越駛中流冠彈上國同朝喜疏抗終生萬里求醉裏  
芙蓉看不厭明珠豈肯暗中投

戴公肩席上

戴晉人前堯舜訶白楊載酒意如何奇亭履滿雲迎戶考  
軸山青鳥代歌人到太平思百歲祝來大斗笑三多誰能  
解得東風面春草池塘長薜蘿

慰天童弟偶恙

天愚山人詩集

卷六

今體詩

九

鷓鴣化南溟暫執雌紫芝燼燼可療飢客歸五柳門依舊鶯  
老三春啼自知竹葉浮香留醉客萱花解愠代徵醫藥籠  
已作餘生物閒簡方書豹一窺

若論閒工病儘餘誰將愁緒付居諸百年志在終堪老一  
句心遺未了書參契盛神龍虎養陰符胎息鶴龜噓延年  
美意時時有此日甯須問臥徐

亡弟時昇三月初一誕期

父母生兒掌內珍今看原上欲成塵荆花榦挺連枝理梓  
樹條枚初放春靜好流徽仍在御和鳴箴韻聽來聳永和  
三月年年好悼爾生辰不及辰

初秋晚雨

野色烟籠細雨催涼生絺綌一懷開庭吟搖落蟬悲樹砌  
響吟唔蟬臥苔掩鏡月從雲裏過挑燈句自靜中來清陰  
寂寂情何限不與時人意共裁

嚴夜禁

鎖鑰於今覩一斑麗譙鼓靜度嚴關千尋龍臥寒江鐵九  
市人稀夜月闌外侮長風歸大壑內甯夜作令如山不因  
二捷遺修備此日軍容亦整閒

題友人挺秀草

誰憐芳草吐金莖卻喜幽居結勝盟面對寒山人自淡窗  
籠曉日簡俱清無香蜂蝶知魂悄有韻風霜倍眼明書帶  
漫誇猶薤葉春來一寸愈生情

天愚山人詩集

卷六

今體詩

十

詆陳素菴

高柳長楊總一天刀鑿折盡杏歸鞭黃花成老孤飛雁白  
草春尋何地眠今日混同江似酒來朝鞅鞅塞無烟乾坤  
自大吾甯小流坎何非素位傳

上巳

載酒羣賢隨地求永和三月卽今秋束生捧劍開宸悟虞  
子祈祥說未謀水欲自行觴泛急林因竹秀鳥鳴幽春光  
九十今逾半無計東風著挽留

勝事誰人接近遊風光三月下揚州芝田雁去初歸羽綺  
樹鶯來欲覓儔九鴈春農看綠野一番花信動紅愁山陰  
佳興今何在搖落人間春與秋

俗塵欲滌飲東流結勝羣嬉水上遊錦幙飄來風力輒彩  
旌動處浪雲浮亂鶯啼出桐花早甕蟻香分棟葉秋可道  
春光不易擲偏宜此日久淹留

課僕煮酒

一味生香九和流牀頭春色號鄉柔鵝兒未毳黃先簇鴨  
頂初來綠已浮人在三家均此醉月明千里共銷愁已知  
從事青州客身化陶家作巨卮

菊下賦得酒卮中有好花枝

桑落蒲城米麯春菊花灞岸一時珍相逢籬下皆知已對  
影清宵卽故人爲愛杯寬非就酒嗅來香氣已浮脣可知  
不盡酣湑興巧奪天工滿院新

天恩山人詩集

卷六

今體詩

十一

東籬秋色好懷開不是西風引得來照眼月明瓊圃樹浮  
杯人在息風臺香寒趁煖黃流動氣傲偏柔紫玉醅自是  
尋春春便得不須酬勸酒千回

天童弟率兒姪社課梓山閣聞而志喜

梓山珥影借重暉筆彩驚人杓斗飛驥老太行千里志駒  
看血汗百羣希擎旗上將心偏小問鼎中原戈自揮舊業  
揣摩新更就共傳纍葉振烏衣

母難辰

燕喜堂開晝錦春遶慈膝下倍思親梧桐初長知年蕊竹  
葉何來稚子名秋水不堪塵吏骨高祿空負昊天身今思  
愛日終無及安用劬勞勿齒民

拜先方伯公墓

伊憂含淚咽烏私，尤歟生辰圖報遲。  
捲業傳墳五典遺，經讀懶愧三瓶造。  
同罔極天難老，木拱連圍世亦移。  
瞻仰高山誰似續，卽看竹立長孫枝。  
業著危疆竹帛垂，西川再樹峴山碑。  
騎箕閭闔天門敞，乘斗文章地極維。  
國報丹衷凌石赤，堂封紫塞象伊祈。  
千秋世德芬嘗祀，羅拜徘徊瞻戀遲。  
提成岐嶷等毛離，上國風光許我馳。  
買駿燕臺千里聚，含飴郗子寸心知。  
空留梁月瞻靈座，一任松風聽牧吹。  
無限悲生無限話，舉頭倍切紹庭思。

答周鄖山見寄

天愚山人詩集

卷六

今體詩

三

湖海驚人詩句豪，春風千里下輕舸。  
渴消玉露仙人掌，墨醉桃花香國醪。  
留贈白雲囊燦錦，歌來素雪和難高。  
抱琴君自多知調，坐對相思只候濤。

招寶山

紫氣瀾生絕漢隈，扶桑倒捲海濤來。  
雲中雞犬聲容出，大壑蛟龍風雨迴。  
指顧三山衣帶水，中樞兩浙戶門開。  
百蠻蠢爾徒滋醜，自有乘波萬里才。  
聖燈一點切星台，紺殿黃雲寶色開。  
佛誦梵隨潮氣急，鐘聲谷應隔江來。  
雲歸野洞浮仙嶠，月上諸天拭鏡臺。  
鼇柱不因鞭石至，秦王那得想蓬萊。

海岸孤懸得月臺，千峰共入白雲堆。  
雨花禪悟高僧講，蜃

市空占海若猜倚檻雪飛千里浪滿山桃綻萬年開關門  
六國來王地不藉玻瓈賓屬杯

友人有善謳者因飲達旦

千門宵闋月初高醉客狂歌各逞豪律協宮商推雅調詞  
分南北別風騷肉聲豈借絲桐引天籟如諸琴瑟操不少  
梨園檀板按閒占風月羨吾曹

詩餘觴盞小詞情遂啟知音關漢卿二犯江流春夜月八  
聲州應塞長城蠲螯剝處傾樽酒鶯舌調來弄玉箏何用  
蛾眉雙勸捧聽堪盈耳竟忘醒

寄萬履安年友

幾迴撫劍賦長楊遙看思皇上國光故邸春深千里夢書  
天愚山人詩集

卷六

今體詩

七

城燈火五更長漢家伏臘今何在晉士名標處更香豈謂  
雲林無悅已到來邱壑足相望

邁軸言娛濁酒香數聲漁笛正滄浪黃冠湖海存知已翠  
竹梧桐認故鄉賦就金門聲氣早山高赤堇斗星藏寤歌  
不謂尊鱸興天地先容我輩狂

寒號蟲夏長羽毛自號鳳凰不如我冬毛落盡再  
呼曰得過且過讀其語憶其聲感而賦此

山鳥誰將比鳳凰一枝寥廓別行藏文章自命矜三德蘇  
毯俄羞遜七襄絕筆何心靈獸至河圖不爲聖人揚禽言  
雖小因徵大誰爲推移非我藏

怨尤忘處任徜徉有鳥能娛歲月長物忌著名辭獨往文

因質在閭彌章羽毛慣不從人假寒煖隨時自我嘗一度  
一年容易過何曾負卻好春光

偶出遊見市廛今皆隙地感而志之

虛往虛來半似村千家能得幾家存秋風起處皆衰草暮  
雨歸時失板門擊轂駢駢通駟馬涉波渺渺總無豚有人  
卽解征鴻怨招集流亡何處屯

先司理誕日

大椿何限舞衣情莫謂知年子職輕在昔尊親終歎報到  
今喜懼兩何憑弓裘猶是周公宇風木徒增臯子驚暗數  
百齡時有幾蟠桃未進淚先盈

高六年友見過卽詣東籬一晤

天恩山人詩集

卷六

今體詩

卅

禮樂三千動帝京爐香袖嫋亦霞城軒高李賀難爲賦坐  
久荀香韻益清冒雨籬東陶菊在驚人硯北謝詩成何妨  
翦燭通宵話細看人情卽酒情

剝啄衡門求友聲息牀偃仰爲君迎知名三十齊年士絕  
調千秋郢雪情劍合龍文原作配觥傳鷓杓舊曾盟黃花  
笑我終無賴借客盈樽博自醒

天一閣聚書

文獻誰徵秘閣優羅胸星斗野曾謀王充市閱諸家乘鄴  
架籤編萬卷樓捫腹儲書非是盜傾箱見與豈云求石渠  
何處誇新有窗啟明山充汗抽

茂先徒載欲何之盡是窮愁寸管知清俸買來手自校充

將行秘下成帷總龜五聚言皆雅祭懶三瓶多識遲搜徧  
帳中何所異十年寢食重勞思

秦復齋刺史見過

才子風流一使君新都美政雅能聞行春五馬諸侯貴問  
字千章草雲初服嬋娟來作客山深麋鹿自爲羣秋風  
禾黍頻相憶今日西窗手重分

楚客狂歌行路難羊裘臺穩釣魚竿慈溪烟水三秋漲瀟  
頂天風一夕寒柳色已殘彭澤院桃花只向武陵看中原  
極目蕭疎甚好共河干廣伐檀

題雲門山寺

卽把雲門擬武夷寒風六月灑清漪寶林斜映滄浪色委  
天愚山人詩集卷六 今體詩

五

宛雙懸日月姿橋自成虹天掛彩雲如布地路常瀾山陰  
不少幽人致水竹棲遲此處宜

深林窈窕一僧敲何必高人步月遲門帶溪流關不住人  
隨橋影岸先移傳燈三世無明火遊展千言把酒詩晉代  
衣冠難得見流風振古已如茲

西施山

美人何戀亦呼山意與千秋相往還啼鳥自憐歌舞地彩  
雲不散帶衣間興亡猶喜名無恙草木蒼然盡助顏彼嬋  
功高堪破舌遊人無地學躋攀

名山豈借美名留兩國興衰一翠樓螺影亂堆雲響響齋  
城自鎖故宮秋石心已轉惟君化尤物能移山不愁堪笑

白雲腰帶望終朝，倚徙嬾回頭。

艾仲可陳鴻賓鄭勝持三翁見過留酌

南山佳氣本無疆，星映三台開闔閭。舉坐鬚眉看甚偉，說來名姓齒含香。六朝賜帛稱人瑞，九醞和情助體康。大斗維祺長協吉，豈能愁絕在滄桑。

齊眉三壽作朋年，猶見耆英洛社賢。避世人多閒裏過，銜杯酒向醒中傳。樂聞在昔綏和事，愁見城頭烽火烟。良會卽從今夕始，不妨真率日相延。

賦得楊柳纔春出新意

草木多情競物華，東風未許漫咨嗟。長條不負青春色，寒嶺遙飛白雪花。折贈有心三疊弄，起眠難望十圍誇。從教

天愚山人詩集

卷六

今體詩

六

漏洩風光早，誰認章臺第一家。

陽生無物不求新，敢怨東君棄舊人。向日枝頭看黃鳥，初年眉色上青春。雪凝漢苑封條輒，梅傍隋堤冷和親。張緒當年空自負，豈知回首已成陳。

和陳孚白謝酒詩兼咏梅

五漿逆旅且停騶，不爲公榮投轄留。春到酒家梅作主，醉宜詩寫雪爲籌。淋漓十指甘猶潤，隱約三更香正浮。知是君家嫌獨醒，偷閒官閣再來遊。

賦得梅花留雪弄餘寒

亭亭玉質傲霜清，也逐塵心用意輕。素影自憐香暗動，同雲斜映色分明。爲娛難作堅牢伴，訂久徐商遲暮盟。睽六

故應林下望滿園誰共締深情  
花開已作玉塵看猶道瓊枝獨自寒對月成三聯素質吟  
詩喜偶竝登壇先春已占人間瑞吹笛還愁顧影單莫怪  
瑤臺多積霰原來瘦質欲追歡

馮鐘石使君祀江見枉草堂

列校戈船大壑東望洋肅對鼓逢逢九章雲舉金旌動八  
陣威行玉帳雄裘帶高牙清海甸詩書冊府歎漂蓬便勞  
組轡星言駕萬里無能助遠風  
蛟門靈赫颶潮平歲舉春禋祀事明旄節孔臨山岳震餘  
皇下瀨浪波清甯糊久荷專征寵擁簪重來長者迎只爲  
謙尊勤下逮不辭落事輟深耕

天愚山人詩集

卷六

今體詩

七

老友陳鴻賓話舊

高第明經翰墨場山藏文字白虹光金門待謁雲生履茶  
首修詞字挾霜千駟塵輕知我貴十年劍就欲摩蒼猶新  
意氣終堪老漢武何憐顏駟郎

故人白社邈焉儔何處懷沙牢畔愁鶴鬢容催羞鏡短蟻  
萍沾引拍肩浮黃金色盡江湖老綵筆光鮮日月流莫謂  
馮唐終不用看來蘭菊各春秋

少年落筆散天葩伏櫪逃名顏闔家送米胡奴慚損惠一  
寒范叔食驚嗟自傷齒暮忘人老對面無言看日斜卽共  
西窗教剪燭不堪回首說京華

聽箏聲

銀甲輕彈玉作聲行雲回首八風迎秦關夜弄三更月楚  
女絃調百轉鶯何處響泉流出冷聽來手語不勝情高秋  
無限騷人思嘹亮風清夢亦驚

閱操口占

鈴閣春蒐炮鼓鳴元戎肅隊擬專征陣回魚鳥雷雲集氣  
振貔貅山海清卽擬止戈牛放野頻聽虢關虎騰聲君王  
若用安邊策便駕長風萬里生

冬夜席上同陳衷素分得秋字

相向中原無限愁難消此夕擁爐遊增歡千里山陰駕浮  
白三蕉學士甌蝶夢生春楊柳近蟻醅泛月雪花羞從教  
抵掌談天衍世事推移一醉休

天愚山人詩集

卷六

今體詩

六

陳坤菴不辭返郡寄言再臨

再來握手締重歡已破前人行路難回首楚天烟雨闌傷  
情越水劍書寒屋梁月色疑人在客路楊花到處看果爾  
寄言良不負無庸舉步意跚跚

天愚山人詩集卷七

鎮海謝泰宗時望著

八世孫駿德重校刊

今體詩

除夕憶華心水工部有年年作客逢除夕作客年年何日除之句

題來壯志已難消無限窮愁手自描何日思家能卽到偏逢旅況度良宵花知人老催春早天爲儒貧賣歲饒饒舊恨未除新又至誰知明歲卽明朝

杜言上人歲除入城見枉

日月燈前守歲華漫勞飛錫逐塵譁虛空偶象原非佛解脫沿門總是家市釀留香驕雪色江梅入座亂天花維摩天愚山人詩集卷七今體詩一

何處輕言病椒井分甘共辟邪

在欲行禪總不妨化城指點引機長若狂蜡飲先王禮不寐燈燒佛國香舊社鷄園今幾箇新詩脯奠共誰嘗虎溪已報圖三笑今日親攜到草堂

哭陳來茲

十載交情琪樹林薜蘿庭院覆春陰杯清竹葉人如玉笛弄梅花愁似吟雁侶影搖天際月人歸夢斷雪中音少年其道江湖老邨北風吹遂自今

謝江水心餽酒

洞庭春色湧新浮紅友分來鬯一卮月給太常良可戀香聞隔甕趣先流馬軍相對嘗開盞漁父曾攜爲遣愁未有

金龜堪作換籬東遠睇興偏悠

春入梨花味自香吳姬壓酒客先嘗步兵厨饌中山酌太守輕將大宛量飛鶴觴隨千里至騎驢甕帶九秋霜公榮卽我隨宜飲逆旅先煩饋五漿

當事者欲爲江南諸節頗闌幽

國史原憑野史衷闡揚節烈亦豐功人微借得綱常重事暫能傳久大風未昧此心清夜皎傳聞興起稟彝同從今名姓爭芬日不朽聲施巾幗雄

貞操洋洋大國風衣冠不獨擅江東因知生質由來美無藉脩名問學充烈女傳中佳事續忠臣祠裏競稱雄事君委質皆能此急難持危儘代終

天愚山人詩集

卷七

今體詩

二

謝朱明府爲天童弟設奠

慶弔原來共一家河陽落落幾名花玉樓何處來天召薤露將晞起歲嗟賦鵬漫勞矜絕調豕雞情重起登遐形容變盡文遺在咫尺靈牀暮日斜

子令東粵時手抄數種爲湛虛張中丞借錄丙戌

播遷失其初帙賦此索寄

萬里鵬霄借羽毛誰知鳩鷖總徒勞青雲自不隨知已白雪矜來我調高四海橫流容足少泰山一擲付深濤只今恍惚難忘事數卷抄書珍若膠

寫出新裁感遇詩知君不爲雨風遺黃花三徑秋同傲白髮千莖老挺絲焚硯已消文字障澆胸尙藉古今披龍門

此日應艱遇還我祗來免一癡

上菊潭胡夫子

函丈睽違廿載中鑪錘負卻大神功身經歷磨礮慚三仕歲  
值龍蛇笑五窮伏枕江湖閒自老盱衡揆席漫呼嵩荒莊  
自古嗟無用腳迹於今愧未同

候素菴門年友

長安憶昔附驂駒插帽宮花在上頭宦迹遙看雲外信綈  
袍時辱故人投去來彭澤開三徑風景新亭寫四愁一望  
中原光宅俊多君首輔佐良謀

廿載魚書何處流雲泥肯便隔林邱塵容卧看三春色湖  
海風高百尺樓秉國要均持軸志避賢初喜酒杯浮君心  
天愚山人詩集卷七 今體詩 三  
自是明如鏡環玦從來賜未休

雁蕩峰嶺外不見谷中見

雁不來時雲自棲無人知道與天齊藏舟大壑龍蛇穴度  
嶺春嵐風雨低若箇三山天外出問途七聖望皆迷峰峰  
樓閣空中架誰信盤根原是谿

過永福庵

鷺嶺斜分曲徑奇小青圍石露華滋虛窗落葉僧迎戶遠  
澗烹鑪客罷暮午夢數聲天外雁拈花一指道中師白蓮  
自愛緇林社何用淵明共皺眉

先叔妣張淑人諱曰

猶子思深欲斷腸宛然毛裏抱中藏三年顧復恩猶在一

日承歡總未償越嶠追遊無異域燕山旅况卽爲鄉瞻天  
罔極空垂淚難道音容隔世忘  
幼傷失恃負天倫有母歡迎若二親鍼綫手中縫自密盤  
匱案上捧來新鳴鳩七子皆堪養烏哺三生未補身老大  
殊悲劉報遠倍思吾母盡傷神

武元甫爲言括蒼山嶺之峻

欲上何堪再陟登說來無地可風乘九盤秀湧蓮城出百  
丈峰高芝嶺騰袂底囊雲看鳥絕樹梢宿霧得猿憎洞天  
第一蓬萊小不媿仙都名獨稱

己亥九日

蕭疎菊興酒徒清此日登高無限情人倦僮囊花並瘦籬

天恩山人詩集

卷七

今體詩

四

披風雨草誰耕青松寥落埋三徑白雁淒涼到五更荏苒  
年華誰是健茱萸自笑並時生

登高躑躅少心知何處東籬載酒宜戲馬臺空人寂寞賓  
鴻路杳影參差三秋瘦影園林色九醞和香醞醱卮容易  
醉來揜落帽萋萋人老費追思

枕上吟

醉鄉何處只容眠伏枕風塵日影偏秋色瘦穿花下徑西  
風夢醒雁聲天茶煎蟹眼旗槍綠香沸猊鑪篤耨烟展轉  
自堪稱避客昨宵浮白意生憐

爲謝門前長者車羲皇結伴卽徐徐北窗蝶夢花枝午西  
日烏沈烟雨餘百尺樓高湖海氣三秋夢斷廟廊書素琴

爲我絃聲靜啼鳥誰教喧自如

賦得霜天月白

瓊宇清虛散寂寥蟾光便欲數秋毫浮霄雲淨天街影介  
木冰凝海底濤路滑板橋行迹少牕虛茅店曉禽號逃亡  
偏照誰家屋一夜寒光幾處挑

讀倪文正公遺稿

三公位峻漢司徒板蕩憂危見丈夫北闕夔龍依舌斗東  
林廚俊敞規模遺書封禪青箱少身跨雲霄紅日扶牖有  
文章光簡冊好隨竹帛壯皇圖

焙茶

桑苧高名自一家豹囊盛水薦金芽未堪上苑龍團使換  
天愚山人詩集

卷七

今體詩

五

作蒼頭奴酪誇澤國春深香味轉火齊湛熾歲時加不隨  
寒暑勤披拂那得清風兩腋奢

寄錢殷求年友

紉佩幽蘭祇自芳嬋媛奇服鬪時妝西山志在名堪洗北  
海樽開醒不妨明發睠懷誰弗念放言洛邑已成狂黃冠  
顧問優游老亦是衡門小首陽

讀菊潭胡夫子菊譜分類詩

未許興思千里葦年年譜得一籬春錦官城爛芙蓉早薇  
省重看杞菊新思湧甘泉流出冷毫濡露蕊浥來勻風霜  
偏助黃花茂彩筆綸扉別有神

憶來誰園

王孫零落景誰留幾度臨風憶舊游獨樂興超諸象外來  
誰名命一身浮蒙莊蟲臂生原假趙孟蝸名視久偷傳舍  
古今人欲戀其如不繫此虛舟  
生死圓觀想亦同幾人含笑問春風吳宮草綠麋遊遠秦  
嶺山青猿嘯空花落午橋猶是夢人追金谷恨何窮大還  
對鏡無心是况復追維徒擾衷

夕照庵

千峰已共落霞回下有菩提小院開樹冷欲呼羣鳥集僧  
歸剛趁夕陽來雲旛影落彌陀埵佛面光流般若臺何處  
松風聲晰噤餘輝煖藉古莓苔

海日生殘暝色懸上方鐘磬動諸天寒衣曬樹冰仍凍香  
天愚山人詩集

卷七

今體詩

六

積流珠突起烟沙上眠鷗魚樂飽庭前過鷺雀爭憐江潮  
帶梵聲知急幾度漁人歸暮船

徐明府在顧草堂

埋羹東海古諸侯憲秉專符壓上游玉帳新分龍虎節彩  
毫名滿鳳凰樓千旄遙望絲知素車馬閒馳步喜幽豈謂  
彼姝明月抱門前柳色已堪羞

玉麟賜伐虎符征阜蓋朱旛茅屋驚滕抱自推慈父意水  
盂照見使君清賢書十部聲靈遠羽檄三軍樽俎成未有  
巨猷明詔答河干殊媿素餐生

謝南魯生使君送先司理從祀鄉賢

齊年誰似使君賢光我椿庭俎豆烟一諾金輕賢者意千

秋祀重聖人前判花筆酒宮牆露錫類恩垂洙泗天何以  
春秋勤靡忒子孫弗替感重玄

亞歲

不知有漢避秦人甲子書年日日新六管灰飛圭影定五  
紋刺益女紅頻履端舉正迎星紀章節推元合歲辰雲物  
自前看不見總因無日到風塵

輓天童弟

呼來韻絕此人琴邈矣河山隔世音棣萼樓前寒玉笛芝  
蘭叢裏詘芳尋蒼蠅弔客稱知已白虎經橫誰論心天上  
自求青案吏鳳樓脩就月華侵

酒湧血來紅幾升百年昆季一風燈舞衣久暗斑爛色長  
天愚山人詩集

卷七

今體詩

七

枕甯堪泪再興膝下單傳周舉子齊眉忍棄孟光朋蚤知  
愛割終難繫婚宦都教湯沃冰

百咏思親淚作糜要爲男子顯揚奇永言如在燕山志報  
國邊防越海辭佇慶龍門高一躍誰知蠖伏竟終雌只今  
罔極彌天恨齋志層泉焉所期

五十知非老自歌青燈黃卷欲如何撫來羯末階庭樹仰  
企安元上下坡誰問天涯生計少可憐人墨反相磨闡成  
奇字縱橫在蕭索元亭載酒過

怪事書空若也非還疑夢裏掩靈暉史傳無老宜純孝可  
有招魂返璧歸白幕晨風靈慘慘紅啼謝豹故依依晚成  
自是凌寒器方秀淪同朝露晞

漫說生多同氣身不忘今只賸三人飲酒和樂猶茹苦忍  
字堅牢總爲親是父皆堪孤有託何兒無食母惟均好將  
郝鑒含糜意代汝生平恩育諄

贈周唯一年友

儼然肖貌一緇流身隱言文水石儔禪悟不因蒲坐得名  
成已在黍離秋溪風灑面凝塵遠竹月流光入夢悠未斷  
塵心還自想果然前度是比耶

萬峰觀梅次周天妍韻而分用其題意

寒光暝入近樓臺瘦影仙姝抱玉來身到羅浮猶似夢雪  
消庾嶺更須猜暗香意與疎鐘遠靜趣清從殘月迴濁酒

青燈看未已幽人已許一窗開

夜梅

天恩山人詩集 卷七 今體詩

八

雲光繚繞一村烟寒氣衝開雪後天夢裏蝶飛來驛使曉  
妝鸞影照宮鈿先春枝放行人早和露珠浮並蒂圓卻爲  
夜來遲月久亭亭玉立未成眠

曉梅

水色天光共一秋花神曾入此中游弄寒索共羣賢笑烘  
日晴分匹練收風袖雙攜香欲送雲衣翦就景先流當陽  
便有難消雪不與詩人白戰謀

午梅

風光何處最玲瓏浸影寒江碧草叢塵洗壽陽脂粉氣照  
宜逋客淺清中征帆南浦春傷早覓句西樓月最工孤雁  
一聲悲鐵笛不愁瘦質轉漂蓬

江梅

岩巖繡嶺露華滋望見征夫腸斷時春到家園人在路花  
迎旌旆雪先吹條枝鶴振千年羽古寺僧題百咏詩高處

不勝寒徹骨東風漫爾解相思

嶺梅

野雲漠漠靜孤村箇裏藏春獨掩門黃犬吠來猶是雪青  
山對處總堪蹲溪橋莫放行人過孤影終憐月色昏豈謂  
窮鄉多墜落枝頭尙有未招魂

野梅

消息春光誰早揚檻移百寶鬪宮妝南枝已傍樓頭月北  
苑猶疑露底霜清不人憐腰自瘦魂非風返靜忘香簾櫳  
笑語頻相問得趣何知在帝鄉

宮梅

傳舍相逢有遠親一枝橫出已知春不嫌寒歲文章舊難  
避風塵車馬新應接面曾邀好句肥癡飽不識佳人縱然  
東閣饒餘興何似婆娑天與眞

官梅

春光小院一風輕貌比盟寒太瘦生鵲喜蓓蕾春蚤識人

天愚山人詩集

卷七

今體詩

九

歸零落憶前程窗虛若伴傾城笑吟罷時間恨笛聲收拾  
書齋同一夢誰知宋子賦多情

益梅

天妍館分賦用曹雲材黃方宜韻

天高何處百花洲一室芬香滿案頭體竟蘭芳誰得似人  
如菊瘦恰逢秋三湘淚盡詞難賦五柳門閒路轉悠獨戰  
西風寒不避詩豪原與酒豪謀

上元值雨

春雨蕭疎傘麥歡游人且作閉門觀雲深不解吹絃管嵐  
重頻看加帶輦露洗瑤街人語靜香燒寶樹漏聲殘停杯  
試聽梧桐滴娥影來遲與未闌

姜西銘書至

猶憶鱸堂問字年坐跌隱約映花磚羽分孤雁哀明月珮  
解雙魚盼遠天秋水篇從雲外至春山黛自畫中傳屋梁  
彌重伊人思安得臨風袂拍肩

和秦汝翼寄答陳皇士選刻啟禎遺詩

千古同人會有時忠良何必歎文遺兩朝未喪先師義千  
載如生司隸儀金石聲銷佳句在山河傳處爲留詩侯芭  
自識元經意竊取能參言外奇

和黃愛吾雨中送友之作

牽懷別緒自傷春題作新詩峭壁峒花想月容投客夢風  
吹山帶送歸人征鞍寂寂非鞭重分袂惺惺爲酒貧天欲  
留君煩信宿馬蹄滑處且停輪

天愚山人詩集

卷七

今體詩

十

春雨連宵

倦眼空齋燈火親連宵風雨亦傷春夢回巫峽三山暗路  
斷瀟湘八景湮柳耳初添鶯語滑花心雖吐蜨愁貧一犁  
自足農夫潤不厭梧桐滴溜頻

一刻千金買笑時烟光如海露華滋客愁枕畔聲盈耳鶴  
夢汀洲倦展眉寒到被池鴛睡足春沈杯底鳥音遲藥欄  
徑溼無人掃閒看莠苔上幌帷

送邵之陝

湖海風流公子行廣陵秋色壯濤聲樓高百尺元龍氣筆  
燦三花繡虎名芳草離珂看白日孤峰倚劍笑青城少年  
作客饒知已不數相如五嶽情

董長卿歸自真定

蒹葭露滿水中天，忽報行人歸小船。  
囊負長公雪浪刻，笥攜道士畫波烟。  
談奇慷慨多燕調，敘別淒涼動歲年。  
莫謂春光客路好，遙思三徑自生憐。

陳純甫攜樽招飲

白楊載酒興非常，爲省東山游屐忙。  
不醉秀才原姓麴，解憂杜老舊名康。  
瓢掾貯月鯨川飲，榼挈春風馬首香。  
更有朋來增彥會，看殘書劍話滄桑。

寄懷漳浦黃世兄

憶昔登堂拜母時，執經外傳過庭規。  
風雲接武傳家學，鴻雁嗣音隔水滄。  
笏在魏公名未朽，衣存嵇紹血猶澌。  
嶺中天恩山人詩集卷七 今體詩 十一  
犀角能豐後媿我，荒莊矢報遲。

懷文介薛先生

署本容臺典秩清，文昌都省領羣英。  
諸儒白虎尊同異，獨步夔龍啟聖明。  
鼎鼐有官嚴一介，樓臺無地可重薨。  
况逢工爵旁移日，不向朝恩保墓城。  
禮樂三千擁上台，春官獨坐履聲來。  
橫流大海高山仰，欲暗中天皎日回。  
論德一心宮府合，爲師百世懦頑裁。  
金甌屢覆傳名姓，自喜河東綠野開。

楓葉

霜落天高水鏡中，楓人三變出籬東。  
誤看春色秋江晚，笑把朝霞夕照供。  
醉酒枝柔醒似睡，染脂葉褪淡還紅。  
少年

佳事都遊遍引得詩懷寫好風

虎邱

春事空餘暮鳥幽柳烟和月醉蘋洲輭茵翻露迷新徑曲  
院疎風過舊遊花客衣香旃味賤肉奴絲竹管聲羞移卽  
別向琵琶抱可得知音第一流

野花香

伏莽青黃共竹迷詩人經眼遂成蹊香因雨送蜂沈翔氣  
欲晴薰燕掠泥寂寞餘芳知我貴韶華肯與歲寒齊可憐  
禾黍披離地賸有王孫伴鳥棲

小春月下

收拾春心上苑花重瞻皓魄映清華冰壺濯筆神爲水繡

天恩山人詩集

卷七

今體詩

七

嶺看雲醉作家人在瑤臺增皎玉香生琪樹苗新葩南樓  
不淺庾公興欲借光風問斗槎

天街露洗淨如妝那得人隨笑語香律動歌鐘回煖谷河  
明冰鏡映清霜寒枝鳥宿忘迢夜澄水魚潛徹短梁爲問  
春光能幾住只容顧兔過東牆

何久可同王次咸見訪不值

遙聞無日不相思握手緣希竊自疑星聚已占百里燦軒  
高誰賦五言辭登樓王粲懷人邈傅粉何郎顧影遲室邇  
勞思人未遠屋梁猶見玉雙隨

以菊醉吟就正陳子遜年友

月滿疎籬樹影圓知君共此白雲篇吟成筆似花中見醉

罷杯從醒者傳一字爲師堪下拜千金買換笑空懸斧斤  
豈博高明麗補劓鑪錘意自憐

贈王兆芝五句

昨日知非今已過買臣猶自抱荆哦無聞東閣立攤草有  
恨南山白石歌豹隱文身三日霧鯤飛天際五雲多曲江  
春雨饒蒸變莫看蛟龍便是梭

半百功名事若何羊裘五月日婆娑終軍怪爾纓難請尙  
父如君顏正醜搔首青天安足問窮途白眼看從他鷓鴣  
杓泛斟須滿不遠清樽月裏娥

聽兒孫輩夜讀

太乙分來藜杖光纔經照處送書香擬穿東壁三餘火誰  
天愚山人詩集 卷七 今體詩

三

聽中宵五漏長洛誦有孫知副墨膽丸識母代飢糧鬼神  
助汝通幽思勤可幾天得莫忘

紙窗荻炬映寒宵笑聽鈞天樂勝韶舞起聞鷄殘夢短鞭  
裁芻駕問途遙烏衣巷裏皆師友螢火燈前見斗杓堅忍  
吾生兩箇字好清夜氣助來朝

齋居卽事

和硃調墨一諸生硯水無田舌自耕渴飲春花朝上露飢  
餐秋菊落初英頭陀有髮蕭然寺清角無絃指上聲妙理  
濁醪日涉趣不知人世有浮名

愁起悠悠非畔牢不堪痛飲讀離騷兼霞明月三秋夢邁  
軸衡門百尺蒿鳥爲倦飛收短翮魚因出聽過輕舸棲遲

空學黃冠樣坐看橫波與世滔

臨流聞躍

鯢桓豈卽化龍淵尺水波興堪自旋快意不知魚是我聞  
聲便擬手爲絃奮飛四海人皆網局踏中宵月底眠巨壑  
翻身一勺具已窺世異舊時天

寄潮陽洪東木進士

相思樹杪鳳棲羣幾度盱衡五嶺雲龍卧終隨尺木上豹  
藏何用隱身文江梅夜度風霜早塞雁秋知南北分一望  
滄浪烟水闊西山東海袂徒勤

蜃氣

海若呈奇不可方未言變態有滄桑霞紅晴映樓臺聳錦

天愚山人詩集

卷七

今體詩

七

爛天開日月光波底倒翻人世界漁翁認破幻行藏金堂  
玉柱休驚訝萬慮從教接混茫

仙人自合愛樓居謾爾乘桴海上徐幻比猶龍行絕迹駕  
言甲蜃借吹嘘醉心城市三山見到眼人民兩地虛何物  
世間容久視身名電影已堪如

雪中酌客

千山積雪一峰單坐對瑤臺把酒看樹爲寒衝飛瑞葉花  
知香少不成團鶴披羽服人如玉驢凍虹橋詩思攢清興  
倍增客意煖遙思農父若爲歡

回棹無須羨子猷只因酒債少能酬呼來白雪知難和肯  
向黃流訴曲愁入地蠓蝗深幾尺到門車馬可淹留長春

院裏風光好不夜何勞秉燭遊

懷園長王使君

懷人何處露蒹葭五嶺雲深棄我遐兩地并州皆是父其  
勸町疇各非家青囊書杏山移步綵筆春生語解花莫道  
乘桴奇異事已先賀老服流沙

董次公至自維揚率句代候

蕃釐淑景鬪烟花仙客旋歸天上槎騎鶴風生通巖社登  
龍日近接金華千章雲錦奚囊就三徑松陰望裏蒼何似  
長卿遊岳遍文章湖海自成家

二十橋邊青草生臨邛雅興意徒傾春雲馬上歸鞭指夜

雨鷄鳴旅店情風景新亭看舊淚沈吟返道卽來程畫梁

天愚山人詩集

卷七

今體詩

五

燕雀雙雙語難繫千霄劍氣橫

再寄張湛虛司馬索抄書

誰惜書癡借一瓿自慙斷簡有時遺蠶心細吐春縈繭魚  
虎訛經日幾披千里夢回蛺蝶翅三秋望絕旅鴻思何能  
六甲天神手追取琅函慰夙期

避難祖居

微服相過陌路親那堪重問舊車巾買山何處容投足長  
物空存只此身農食先疇思祖力德依仁里接芳鄰桃源  
豈必仙家問小隱居然稱避秦

遙慰陳石公

漫稱忠憤賦懷沙聖世深恩自匿瑕澤畔吟成湘其怨道

邊弦直葬何家春風不度陽關柳夜月閒聽絕塞笳明信  
可孚無異域好隨北斗泛星槎

示司庾者

羽化銀杯事已疎壯哉瓦雀復何居麥舟公子恩推食還  
責馮驩計亦狙恣爾狼貪死欲飽懋留鼠壤一餘蔬攘雞  
疾厭鄰人竊不耐監收賦子虛

劉山人七十

梧竹青青自一家角巾頂結聚三花不窺城市因尋藥牘  
有工夫演釣車無就羽毛皆是鳳聽來鼓吹莫非蛙海鷗  
先我忘機趣誰與東風鬪歲華

黃觀能己亥北上八月其秋堂也卽席賦贈

天恩山人詩集

卷七

今體詩

六

桃花改作桂花遊總是書升得意秋路柳卽看袍袖綠宮  
葩斜映酒杯浮來王五服輿圖壯文德重脩纁幣求此日  
未央頻顧問江東第一數君流

長劍歌驪騁紫騮新恩迴出陞螭頭捷書一統封疆啟賢  
路思皇巖穴蒐步輦鳳回側席佇促期蟾滿碧枝秋樽前  
風起扶搖力九萬南圖瞬息遊

沈御三以詩箋投贈寄謝

千里爲糧美鄭莊嘉名那得似君香班荆帶縞歡迎故問  
草奇亭人倚牆風動五明搖翠羽句敲百鍊夏鳴鐘兼葭  
每切秋蓴思音玉先勤下雪堂

潮音洞口本巉鑿見奇僧人砌之以石層眩瀕洞

之音輟矣

趣本天然漾碧潏潮生月上響遺音雪翻銀浪千峰白雷  
吼金堂大壑陰怪石自供蓮佛座湍流激動老龍吟僧癡  
只愛繩牀穩一段奇懷與逝沈

答大梅和尚

此日生涯號補鍋渾忘玉署響鳴珂津梁何處離離黍滄  
海橫流在在波煩惱早除頭上髮諸緣欲淨我身多禪關  
大啟招提月好把塵埃對鏡磨

妙峰性地卽虛樓豈但乾坤日夜浮覺處爲生原是夢放  
開眼界一時收世間三起空能定誦佛千聲死未休怕向  
夕陽愁裏坐不堪遙對說因由

天愚山人詩集

卷七

今體詩

七

送張虎別侍御返滄洲

輶車西發大江頭三月陰霖把袂秋山別候濤青欲減劍  
分堇冶紫先浮絃安已釋冠纓象環賜難辭旌節求遙企  
中條馬首闊除書先下報揚州

千里龍登幸識韓無幾握手上征鞍梁頭問月人如在袖  
底徵詩衣欲穿客路柳條猶我顧萬間樾蔭異時看彈冠  
自有同朝慶肯寄相思一飯餐

清明掃墓

嫩金香雪火泉新蝴蝶原頭紙化塵盤馬路開春草碧市  
蠶帽雜午聲頻衣冠揭藏瞻先澤几席重憑啟後身何處  
牛眠徵旺氣從來造物只因人

吹煖簫聲榆柳天賣飴處處絕吹烟忌龍不禁句萌達堆  
鬣封成罔極年花信幾番寒未已栢棧此日澤還傳悲來  
原草遙知溼誰謂清樽罕及泉

董長卿久遊鉅鹿賦此遙憶

冰堅渡後幾滹沱此日神靈將若何遊子牽情關塞月秋  
風扇動并州歌征衣雲染恆山黛馬首烟迷赤水波自古  
懷柔及河嶽定勤擊楫一宵多

秋水曹年兄護萬履安之喪千里贈遺有加無已  
異姓昆明看贈袍今人古意幾同豪論心堪掛延陵劍結  
客誰分呂相刀之楚漫勞頻寄託投齊方見重知交胸膈  
面悅矜松契生死於茲義氣高

天愚山人詩集

卷七

今體詩

六

食烏笋

青青秀挺蹶生奇不復參來玉版師旬日便稱齊阿母春  
風解就籜中兒苦甜味別忠臣草清儉惟堪野叟知非是  
盧敖多異種山陰竹箭實蕃枝  
深林簇簇小青圍雌者偏饒過戶霏秀挺龍孫新沐雨養  
成犢角食推肥錦棚初脫香浮玉稚子驚看弱出幃誰道  
蓴羹偏擅美數來薇蕨偶應希

賦得春山淡冶如笑

看山殊喜一春饒笑指花然欲助燒鏡裏有人嵐作面眉  
堪入畫黛增妖清嫌骨瘦亭亭態苔上燒痕怯怯嬌自晒  
不知容可掬南屏巧倩爲誰描

賦得夏山蒼翠如滴

時啟恢台石氣蒸珊珊健骨意堪稜松風快入披當戶翠  
靄光凝列作珊瑚欲參天人共老嵐因霽雨日同升渴虹  
眼就青萍色瀑布飛來亂掛藤

賦得秋山明淨如妝

月落高山澄影潭妝臺玉鏡吐仍含雲收宿雨烟歸洞海  
淨瑤天秀出嵐面澤盡除脂粉氣神清自覺膩油慚憑欄  
爲助西來爽有美清揚欲寄龕

賦得冬山慘淡如睡

積德何須更守雌體仁斂用趣偏宜雲棲隴舊烟藏古草  
望人歸意竝遲高卧空山驚歲晚閒觀物理靜中知非關  
天愚山人詩集卷七 今體詩 五  
眼倦芳菲後爲有滄桑入夢思

虞爾昭攜瓜子一顆寫五言律一首背圖十八學  
士像

乍聞奇物笑開嗎過眼於今始曰然握筆旣從史籀起提  
毫儼見古人前忽來目力無中有數去邊傍字影偏倉頡  
若知翻造化重瞳空自察深淵

楮葉三年事已瘡秋毫再見宋人迂車輪若蝨精生巧斤  
運成風熟化拘誰似八言藏芥粒更從數子寫眉鬚若非  
蓮府多嘉客安得新聞資笑娛

鴻賓病愈見過

豈堪伏枕度餘年喜見韶華又一天鏡裏朱顏愁不定囊

中青母好誰看參商星見窮交態雨雪寒添鶉結前報道  
上林枝可借故人定有鮑生賢

八月榴花

紅妝燒出鬢邊秋露冷花濃各地愁蟬葉曉風咽自語蜂  
房絳蹙夢中求佳人南國爭妖豔漢使河槎泛遠流誰令  
東皇能遣嫁四時春色不須偷

火流不盡鬪牆隈莫作朱明又啟猜綠潤已沾寒露雨絳  
綃欲上妙歌臺因風擺出三春色照眼知經萬里來無數  
白雲供點染浣花溪女被花詼

送友人返武林

交情千里一同袍命駕山陰興自豪客裏黃金知已盡鏡  
天愚山人詩集 卷七 今體詩 二  
中白髮並愁高登樓杯泛澄湖色觀海人酣醉墨桃解佩  
不須多勸酒年年秋燕共君勞

武林春色萬家烟一望軍容共越天柝擊嚴城寒落月弓  
彎塞馬著先鞭樽前鴻雁三秋景雨後征帆萬里船相見  
故人情淡泊會須長樂太平年

速君重姪續婚仍勉壹讀

良緣未偶事如何只爲蕭條四壁過雁影月明誰獨宿牛  
衣霜冷調難和澗蘋旨自宮中出林桂虛看鏡裏娑莫待  
陳脩稀古日九重親賜一嬌娥

雁來紅

遍體紅裳攬作衣詎堪時過鬪芳威朱顏誰保今如昨白

髮猶童事已非。秋老乍驚鬪滿紫。雁來誰識雨中肥。無情  
若解悲人意。不禁雙戈把日揮。

屠純甫進士見過隨赴慶臣姪飲卽席呈賦

誼譜昆連氣自親。尊謙喜見少年人。天池鵬奮青雲翮。錦  
里鯤回上苑春。把臂劍看秋水碧。彈冠色借故交新。相思  
幾處同魂夢。此日清樽豈厭頻。

天恩山人詩集

卷七

今體詩

三

天愚山人詩集卷八

鎮海謝泰宗時望著

八世孫駿德重校刊

今體詩

竹醉日移竹

臘月辰期種可鋤更聞炎火出新淤紅榴牆外佳人色綠  
影林中君子居棲鳳攬枝魂未下化龍隨籜氣先噓渭川  
千畝胸原足移向清陰好讀書  
寒梢萬丈意凌雲何所歡娛便啟醺松徑鋤成根作伴煖  
風拂就氣生芬東家自合西家種醉日何如醒日欣移得  
一枝牆外立有誰清興可同羣

梅藥

天愚山人詩集

卷八

今體詩

一

物序標鮮氣欲齊含情梅信意淒淒隴頭擬贈行人蚤官  
閣留吟未有題夢裏笛聲吹雁過池邊月色帶烟迷空勞  
何遜巡檐伫冰雪招魂一望低  
臘月寒梅欲吐英枝頭凍雀已喧聲芳心直逼青春豔素  
態終羞白雪情日煖笑迎牆外影露滋香暗曉風清自憐  
穉質瑤華淺未許詩人著意評

爲潮音洞僧題

一綫纔通九有天斧梯路絕羨風鳶雪飛匹練兼山湧響  
奏孤桐空谷傳槁木形骸甯自廢望洋心緒向誰宣到來  
別是蓬瀛境豈但移情三弄絃

候時協弟

堅固林中問劫灰，菩提還樹鏡還臺。陶輪右掌恆沙外，寶積華光長者來。摩詰一身都是病，善財參遍未離孩。憑君天眼真能見，宅火生蓮幾朵開。

和陸中秘南樓苦雨之作

猶喜不頭耳，未生涓陽風。雨欲傾城農夫慰，足三秋望旅客心。懸片刻晴惜不擎，杯流作飲尚能挽。客緩歸程清樽參佐怡，情處日聽梧桐夜滴聲。

賦得秋風動禾黍答南海黃孝廉

南國佳人費遠思，秋風禾黍實離離。傷心矢砥猶周道，問俗華簪有漢儀。生計漁樵皆足活，逃名農圃亦增疑。平疇野色遙相望，無奈歸鴻未有期。

天恩山人詩集

卷八

今體詩

一一

景物情多野色沖，傷懷豈爲歎飄蓬。農夫此日三秋望，周道誰歸二國風。落日隴頭催牧唱，關河朔氣憶離鴻。故園不禁增搖落，安得乘颺嶺外通。

時聚弟家譜告成

烏巷誰傳寶樹名，平江派衍在蛟城。其昌百世新增廓，開卷三思舊德成。孫穀自貽流澤遠，父書徒讀面牆行。非君指點篇留帙，孰溯淵源啟後生。

申伯功高舊有名，風流江左亦虛聲。淵源鼎峙高門貴，忠孝家傳令德賡。序次雁行垂統定，圖疏燕翼墓門清。千秋似續編摹在，勞爾追維筆削成。

賦得邊馬有歸心

期門朱汗騁拳駟紫塞長城析水涯青草雁飛春不度黃  
花鴻斷路無家陰山濤雪知蹄滑晦海同雲顧影遐縱是  
跣跣能萬里何如蹀躞夕陽斜

命兒視朱壽之器

石槨三年尙未臻一棺豈便湊題新菟裘營就纔堪室狸  
首斑然只量身匠石禪傍嫌液滿中都四寸雅宜人已知  
速朽非彝訓薰裡難容使土親

豫侵子職笑言非外內棺成后木譏成製及今時已過聖  
周於古亦堪依漆裨虛有黃腸固女手何須銅漚輝安得  
王喬天降玉烏鳶螻蟻不相違

白樂天以歌謠召入翰苑

天愚山人詩集

卷八

今體詩

三

賢關未盡十科奇矇誦臚言無禁時杼憤士多工雅調採  
風帝亦好吟詩夢求有意胥靡築扣角何心伯主知漫說  
白詩饒樂句不因好爵敞雙眉

賦得怒濤海欲立

火龍沸海攪星河銀甲明光十萬磨排陣人如雲表坐浮  
山水在頂門過乍驚西北天將覆側耳東南地盡波頃刻  
滄桑何處是魂搖已覺此身多

賦得秋風戰馬嘶

騰空朔氣耀軍裝北馬悲嘶霜露涼竹耳雙批風起駿蘭  
筋直豎駕中黃塞笳鳴秋肥草關月驚沙古戰場幾處  
寒衣縫不盡倚門懸睇自知傷

露鬣蕭蕭欲絕塵寒威膠折囓啼馴風催別袂沙場苦月  
浸征衣夢裏頻千里志高悲伏櫪五花羣絕想高旻龍城  
飛將披堅銳幟奪中原旗鼓新

陳孚白強以菊醉吟災梨

論文殊媿國稱工款啟三家村底翁菊自姓陶休竊取醉  
常在白孰爭雄蒼蠅弔客存知已青眼吾徒歎轉蓬昌歎  
豈君偏有嗜詹詹何句古人風

八月乍寒

月浸嚴城水氣寒莎雞子夜叫聲酸夏蟲冰語煩方解秋  
雁賓來暑已殘夢裏征衣刀尺快天涯客店枕衾單何期  
冷暖交和日忽爾霜威散綺紈

天恩山人詩集

卷八

今體詩

四

觀音寺久頽未舉

灰劫奚從問所由耆山鵲苑等悠悠留桑一宿誰遺愛念  
佛千聲只自求風鼓潮音如是梵月生虛閣爾時秋無人  
解道西來意摩頂松青冷古邱

梓山遠眺

水色山光共蔚藍樂飢期不取林慚江城落日荒秋草海  
市浮雲湧暮嵐練淨千尋波底月危依百尺石中龕新亭  
共有騷人淚景物依然我未堪

岡巒成勢斷猶連檻外山光常欲前鳥愛入雲天豈礙人  
歸遠浦草生烟桑田空有長春樹蓬島誰逢難老仙自昔  
登臨資感慨何須把盞憶餘年

登天封塢和林殿颺太常韻

目窮千里倚層欄  
湖海心期共筆端  
窟隱龍蛇唐舊物  
觀危鷓鴣營靈殘  
私聞天語鐘鏞外  
落影江流星斗寒  
坐對石窗日月隱  
乾坤窄小幾時寬

萬里潮回九曲沙  
羣龍飛舞一峰加  
雁疑衡岳愁難度  
雨過祇園盡作花  
天籟四窗風鼓樂  
人文列宿氣蒸霞  
堪嗟靈迹垂年久  
閱盡興亡事態賒

訪友不遇

談元載酒日相過  
看竹棲遲主若何  
回棹山陰人意嬾  
題門呂子客情多  
風收未卷書猶在  
鳥和嚶求木自歌聞  
見一時無所得  
會心已在碧烟蘿

天愚山人詩集

卷八

今體詩

五

族叔惠海年九十踰嶺渡江日幾百里

何修美意得延年  
辛苦爲生志益堅  
澹煮黃當十日菜  
飢餐赤米半升饘  
化龍坡畔堪追杖  
剗兕江中快著鞭  
不恃行來木上座  
往還塵絕地行仙

寄祠部洪畏軒

憶昔輶車指洛陽  
翩躚公子美詞場  
人從五色雲中見  
客自三秋菊裏黃  
東海魚書遙未集  
南宮鳳藻日初長  
大儀已重清卿望  
卽看元成繼業良

過虞文懿墓

兩邑叨光借大賢  
何如親炙始興阡  
詞林五絕芳誰和  
諫草千行字並傳  
靈緒曰靈仁里美  
鳳湖名鳳羽儀鮮  
漫疑

將作羞爲匠已占無兒房杜前

中秋無月

容光正賁一輪秋半面妝成態自羞霜怨笛聲繁夜管雲  
迷樹杪動春愁共看銀漢虹光沒獨對瓊宮蠟影流清興  
增來知幾倍庾公坐待月南樓

秋月爭傳萬里明一方屋角可勝情長橋銀色空垂練澄  
海金波誰並清望鶴臺迷娥影暗步蟾魄散羽衣聲舉杯  
寂寞三人視倚徙寒光到五更

答余賡之年門友謝客吟

豈因車馬厭喧闐卻爲東君有激然湖海氣高百尺浪山  
陰雪阻五更船卧遊枕上洪波渺坐隱庭中槁木懸秦洞  
天恩山人詩集 卷八 今體詩 六  
桃花開欲遍新詩裁就自生憐

和陳皇士遠耀堂看菊詩次杜於皇施又皇韻

欲寄秋風籬外枝吳門匹練雅增思歲寒誰作同盟侶契  
合分來送酒詩人面句中堪畢照陽春譜內獨留遲郵筒  
五色花光燦知是淵明爛醉時

處處秋容賞菊新誰將佳興寄同人白雲篇在堪持贈青  
鳥傳來鳴好春雪作錦堆聯麗句霜鋪晚傲賸餘身四時  
猶是籬邊意還許封題到海濱

菊醉吟刻成寄謝陳孚白

偶爾閒情緒一抽已將詩思付東流初驚落筆花生管旋  
復吟來酒滿喉不斷四時籬下節都歸百韻興餘收青黃

斷木溝中起爲有驪珠照上頭

知君籬下舊聯盟樂有吾徒多和聲遂擬蚩符諸道貼不妨伴侶五爲名秋風看盡黃金色開卷常懷白雪情那得年年增勝語酒樓花洞共餘生

賦得積陰春暗度

綠柳鶯啼春氣韶不堪重數舊根苗山行嵐下渾疑雨溪渡風來欲上潮睡起一宵窗未曉旅情千里怨難消隙駒已歎過如電默默流光何處招

慰錢學博解雲和任

故人遙隔一窗西苜蓿空齋誰共題筆陣雄風書作帳硯田春水舌爲犁山行飽饜盧敖筍洞古雲藏靈運谿官小  
天恩山人詩集 卷八 今體詩  
不堪稱吏隱劍光又聽馬聲嘶

七

偶爾失物

掠賸曾聞戲語新卽知甌破不須瞋青氈家世原神物白日揶揄見鬼隣利蝸漁翁初未羨因蕉鹿夢本非眞楚弓楚得稱佳話六國縱橫自送秦

元鳥至

有鳥司分趁社來畫梁窶窶語徘徊隔年話舊人猶在別構巢新口自裁情重主翁貧亦戀辛勤兒長反增哀春風逐隊尋消息羅網休從屋下開

鷓鴣多智不違鄉給視從容費審詳祀重高禩遺勝迹城培魯國壯封疆烏衣夢逐東風遠紅縷情牽北雁翔嬾婦

試聽梁上語好營繭室爲由房

賦得但識琴中趣何勞絃上彈

孤桐操縵奏離鸞審得琴心寰宇安爨下知音推絕調廣  
陵散罷盡空彈龍吟十弄移情遠鳳曲雙徽引合歡燒煮  
亦堪增韻勝高山流水共登壇

昭氏何知虧與成雍門只解指中聲情調自合安絃意揮  
罷還聯濁酒盟難解悲歡偏道破無心山水喜同清淵明  
事事從高尚肯效伶人商角鳴

寄答唐敏乙年友

飛鴻尺素越王城烽火浮沈達海瀛兩地夢懷明月在一  
江春樹暮雲征白蘋愁向秋風老濁酒思同雅弄清相憶

天愚山人詩集

卷八

今體詩

八

隴頭青色柳未經折贈已多情

白雲持贈擬瑤篇想見剡溪雪夜船雙鯉惠從天上寄孤  
鴻影自塞邊傳流沙賀老初時服擁篲侯嬴市隱年花下  
春愁同欲破如君共酒夕陽眠

俞玉芝陳坤菴夜集兼慰旅懷

半畝堂虛蔭晚涼爲君掃盡落紅忙鶯催杏花知放蜨  
倦春遊夢亦香銀燭夜沈枝上月彩毫曉散樹頭霜同人  
頓爾風流聚指數中原客自狂

小院東風遣客愁樽開北海酒蛆浮談心歧路逢知已把  
臂通宵卽勝遊如肉聲調絲與竹得朋人共月登樓天涯  
豈有難歸棹莫把青春怨白頭

送靈峰和尚還山

不定雲蹤近遠間  
歸山豈問買時山  
肉僧難捨俱來骨  
禪客誰參到處關  
鶴瘦藍田芝草壯  
龍吟溪月晚風灣  
通宵未隔西窗話  
著屐還能就宿攀  
乍來笑語未春溫  
又看依依柳斷魂  
山色半銜青不改  
衲衣敝盡黑猶存  
帆隨江月呼潮上  
酒掛征鞍帶雨渾  
漫說趙州行腳遍  
好參知識是何門

寄象三年伯

黃冠何處說途窮  
短徑歸來興未空  
淚血啼乾三尺土  
黍離悲斷五更風  
烟霞無主身宜置  
孫子堪貽謀在翁  
更有閒娛詩酒趣  
蕭然窗外不聞聰

天愚山人詩集

卷八

今體詩

九

從何園乞花數種適家靈昭閒步先至

良遊自合結芳鄰  
巧奪天工檻彩新  
秋意淡看三素影  
華林色燦四時春  
分榮草木知生趣  
借賞園亭肯惜珍  
不謂東山大小客  
桃花開處訪先秦

芳逕逢君分外姿  
東皇何處自禁持  
寒江樹影蟾先掛  
冷砌香流蜨夢癡  
春色出牆枝欲借  
遊人經眼興偏遲  
花神搖曳心無主  
應接多方肯告疲

課幼孫輩進讀

憶昔咕經奧愛兒  
今傷老大已含飴  
功名躑躅堪腰折  
清白孫謀任影知  
了了慧珠排掌上  
磽磽頭玉映瑩夷  
誰云後起公慚長  
且聽高聲朗誦詩

胡君法倪巨卿二畫師夜集

通神似欲數秋毫摩詰才兼頰上毛千里人人皆對面百  
年歲歲有吾曹雲臺列狀輝前寵邱壑形容解世毀共向  
清樽問明月古今遺像果誰高

懷章格菴給諫

避世桃源古一流何心簡帛著千秋黍離行道芒屨遠松  
菊無心籬舍求厭聽補鍋名起蜀羞看把釣富山頭戴天  
共切知高意惟爾悲吟澤畔遊

送天童弟附祖墓旁

歲在龍蛇賢哲嗟西風和淚擁寒沙方新螭陞公孫對又  
到牛眠郭璞家大鳥興悲魂已斷原鴿雙影日歸斜豐碑  
天愚山人詩集卷八 今體詩 十  
慈孝名傳久不羨滕公鬱鬱誇

嬾飲不醉酒

爲愛梨花春自香肯教蕉葉壓輕嘗三瓶攄酒船歸夜百  
氏冰壺蔗作漿客有公榮瓠子煖座無陶令菊英藏欲高  
對月南樓興且把金龜別處償

自嗤室陋

卽看倦翮一枝深簞粥於斯烏鼠侵鼃井缺登洋望斷蝸  
藏崩壁竈俱沈牙籤笥腹原無架翠竹抽簪未有林漫擬  
碩人寬自樂寤歌不敢發高吟

諭貓

禮貴迎貓祭不卑烏圓何幸享隆施主恩方切翻盆恨尸

素難容說假慈晝卧花陰非候伏餐傳柳綫豈虛糜俊猊  
白玉空茵錦颺技縱橫此一時

買舊書有感

光生日出嬾求明秉燭何須問夜行好慰十年磨劍意博  
通五總下帷情極知眼霧焚膏暗無奈心花開卷清况值  
亂離殘失後牙編到處是書城

和鄭勝持餞菊吟

乍驚別後更無葩蕭瑟西風各水涯聽罷霜鐘良晤淺擬  
看樹杪夕陽斜白衣人送三秋色青鳥音疎一歲賒不耐  
驪歌煩再唱感君五彩筆生花

金大來小集

天恩山人詩集

卷八

今體詩

七

海壖秋做一雲孤剝啄聲聞黃鳥呼舊雨欲來山影暗新  
詩裁就酒成沽途窮白眼頻看劍路近青青好放弧莫歎  
轉蓬歸未得天涯回首有吾徒

春睡

無憂國卽此華胥不羨人間居與諸啼鳥情多常近枕眼  
花暗謝嬾隨書月沈樹杪嬋娟影巷隔門前長者車最喜  
春和明媚日黑甜酣足雨晴餘

想鬪花遺事

天寶嬉遊多壽年長安士女舞鞦韆移來春色花初放看  
去名園樹影偏市價千金償未厭宮鈿一笑共增憐香餘  
今古風流事狼藉芳心有杜鵑

謝薛五玉陳孚白訂天童弟遺稿

西窗曾共十年裾，良友存遺訂魯魚。攻玉他山原借石，增輝明鏡必因礪。爲師一字堪前席，求換千金誰得如。遙企夜臺猶有恨，欲求封禪已無書。

構茅菴

茅舍粗容膝未安，一菴新構暫遮寒。誅鋤桑者萊汙闢，吟詠柴門獨寐寬。三徑肯因捷徑取，萬間總作此間觀。江湖莫道衡門小，丈室維摩四衆壇。

興薪桂之歎

析薪負荷亦云難，况值山童一望看。木客罷吟谷自響，樵夫等徑霧先霞。已從滅竈分奇計，更苦焚骸助鼻酸。安得天愚山人詩集今體詩卷八 十一

常如寒食日，冷淘餽飣卽成餐。

賦得草色半塘青入夢

多情芳草入簾新，靜對幽眠索句人。華萼樓高先得月，池塘夢醒恰逢春。相關魚鳥來佳調，適意園林總近親。不道青青顏色好，騷壇染筆意生珍。

詩成半在卧于于，况值芊眠草色蕪。人靜樂看山太古，夢幽足已到汀蒲。風迎金谷春無主，句入芝庭調自符。天盡寒雲連水碧，相思餘恨枕邊呼。

陸中條分祭列代詩人

探微誰解句中玄，曠舉風流仰止虔。聲入無聲三昧定，祭因自祭一燈傳。江山指數名猶在，旗鼓壇開代起賢。素酌

敢云靈盡享是吾師友必登筵

春分移花

睨曉晴呼到上林平分景色散清陰芝田雁去陽隨煖綺  
樹鶯來鳥弄音檻植移春可度藥欄滿徑徑難等東皇  
爲借栽培力珍重園工一片心

芳草斜川初弄禽風鳶亦上碧山岑輕刀剪就天工錦妙  
手裁勻巧匠心舊日池紅根自老新來枝翠欲成林偷花  
學得偷苗法補就繁華遍地金

賦得遲日江山麗

門虛剝啄靜無聲流水高山已結盟人在勝遊春不覺景  
饒樂事眼分明桃花雨漲汀蒲綠琪樹風含岸柳菁圖畫  
天愚山人詩集卷八 今體詩 三  
天開偏此日恣貪盡取有誰爭

仲春月下

朦朧夜色隱樓臺樹杪青天不可開似霧近看枝上露非  
烟遠失斗邊台寒隨餘雪驅雲去花逐香風帶酒來千里  
難同金鏡面懷人此夜倒樽壘

賦得春後誰憐百日陰

冶淡韶光付上林誰知珍重一天心惜花起早巡芳徑弄  
鳥聲餘轉好音遊倦暗塵矜馬力夢回曉霧發龍吟化工  
自有偷春手費我鞦韆月下籌

良辰暗度散春陰鳥語花香隔素心天爲情多收拾早人  
忘睡足豔陽沈不慚寂寞浮生事卻憶年華勝裏侵已道

誰憐憐正甚低迷柳色惜如金

岳明府致新書

爲憐草木罔懷春賜麻衡門及獻辰甲子自書臣誼苦太  
初定等歲差勻文同龜鳳名無異識忌龍蛇兆豈眞竟讀  
固能增喜懼不堪回首問知新

抱膝西窗守柏寒何情履始問年端陽回莫莢隨風動春  
到梅花共雪看得歲難嗤失歲晚新年移入舊年觀授時  
本爲祈民事媿我耕田詘飽餐

賈島年終以酒脯奠詩謂勞吾精神予則罰之以  
水懲其推敲不用命而泛焉以應也

刻畫何情已道難花將入夢筆原乾眉攢未肯毛俱落衆

愚山人詩集

卷八

今體詩

十四

好先須我意安九竅只迷心口洞一年幾語會登壇肥腸  
怪爾無靈思明水清虛爲滌肝

隔江春色

踏青何事早言歸春在枝頭景色非花落空山人影絕水  
流荒渚鳥音希雙桃畫帶車虛引九鴉催農聲漸微不是  
倦遊佳興懶家家零落戶無扉

之起臣姪墓所

埋玉山頭春可憐未能十往意空專成來共飲人方少籍  
在疎狂老愈妍琪樹金風秋露冷清泉野火曉林烟傷心  
畏入西州路不覺移筇到北阡

菜花香

桃杏枝頭幾樹紅，何如芳味晦西東。題來山谷堪憐色，嗜  
重元修家下風。金嫩遠搖三起柳，辛夷近挹萬株蕊。合歡  
不藉番禺種，撲鼻懸知老圃工。

和姜桐侯元宵獨酌詩

行雲如馬暗車麟，尙有孤棲獨醒人。酹賜難邀高尚客，露  
華偏近廣寒身。花催羯鼓聲何急，酒泛犧尊酌未貧。不謂  
倦遊甘寂寞，子雲到處厭風塵。

楊妃桃

芳菲原上樂呼名，檀暈妝成羅綺盈。花似多情常近酒，人  
看絕豔宛如生。萼樓喜奏清平調，玉笛愁聞淋雨鳴。縱是  
綏山仙可食，何期聲實二難并。

天愚山人詩集

卷八

今體詩

五

陳坤菴三度蛟關

詞賦遊梁擁上才，曳裾肯卽賦歸來。青山買得人常少，赤  
水長流酒滿杯。花發舊年門未改，劍如新月鏡初開。劉郎  
不厭天台路，會見冰桃幾度栽。

再探慶臣姪恙

五色丹書好自詳，春風小院一繩牀。花枝暗度鞦韆午，鳥  
語低呼桃杏香。棗帙風來書自捲，竹梢月上影逾牆。藥籠  
報道參苓盡，三月何淹庶子方。

和倪伯屏年友聞雁之作

騷人落筆便驚秋，雲外孤聲切應求。已道隨陽堪遠使，何  
曾委贄入臣流。驚回鐵甲長征夢，排作銀鉤草聖伴任爾。

胸懷湘水好難禁絕漢舊家謀

從風養羽影初移縉繳高飛只自知絕塞春秋來作信中  
途南北到爲期一年占斷烟霞色千里橫披海岱姿不爲  
稻梁還復往扶搖九萬卽天池

寒食

三晉風高百六寒時逢熟食鬪飴圍藏烟欲試新榆火息  
突猶傳舊粟餐龍忌烟紅堪畫卯馬盤草綠映雕鞍疾風  
甚雨何常候緹引鞦韆已上竿

雞坊金芥鬧春宵杏酪研仁麥粥調榆柳漢宮眠未起楊  
桐原上染成銷樓高鶯轉花枝午風細鶯鳴琴語挑寄與  
內園鑽火子輕烟莫把五侯招

天愚山人詩集

卷八

今體詩

六

清明

新烟一道草芊緜睡起嚶鳴榆柳天飴喚簫聲吹日煖茶  
新騎社引山泉禮因野祭嗤成俗火自心燒化紙錢風景  
不如年去好徒將卮酒灑南阡

鶯啼柳鞦喚東風士女郊原春色同遠水漸看搖綠綺芳  
姿色已上青桐贈遺畫鴨千家彩開遍來禽幾樹紅因愛  
韶光遲日麗遊人索句問花叢

里人有買螺螄放生者

選佛登場意亦難普門利濟法何寬補瘡旣剗他人肉惜  
福徒增水族歡不殺便開生佛面轉機已作乞鄰觀貪天  
多取因求報漁網相隨又拾殘

盆梅盛開

羅浮山下步芳塵，月色依依更可人。  
彩檻移花誰是伴，寒林積雪樹皆春。  
魂清夢蝶香知穩，眼射霜禽色乍新。  
詩興不緣官閣動，小窗斜映到江濱。

數枝便占百花魁，疎影何須牆外來。  
盡臘卽生寒谷暖，經春猶是隔年開。  
形同詩瘦清癯客，香細風微吹笛臺。  
移向松林明月下，酒家共飲斗參回。

送虞爾錫遠赴涇陽幕

歲寒猶擬伴霜華，客路何妨天一涯。  
興會秦川千畝竹，筆端上苑萬年花。  
前籌舊佐閭門錦，入幕新裁冀闕霞。  
志在四方堪伏櫪，春雲馬首漫興嗟。

天愚山人詩集

卷八

今體詩

七

留張君實喬梓

天涯把臂弟兄緣，旅次猶家共拍肩。  
况屬萊衣舞襯膝，更兼徐孺榻方懸。  
雲迷海岱留行旆，人自樓臺望客船。  
莫道平原能作主，中山一日亦千年。

答時協弟和來韻

學佛何爲又學仙，將因來去隔同然。  
拈花笑坐梧桐月，煖鼎春藏楊柳天。  
蝶夢世情等未了，鹿園密諦傍誰宣。  
放言達士無隅意，飲食平平萬古鮮。

和朱明府謁賀監祠

先賢遺像賈湖干，臭味知君芝若蘭。  
一曲鏡灣桃葉渡，千秋人在竹皮冠。  
山高仰止風迎戶，霜老蒹葭水幾竿。  
壁上

新題俱不朽名彰得子玉雙盤

從陳坤菴寄候曹秋水年友時聞過西湖

有客風流驚座名依光北壁未逢人驥懷千里偏棲櫂龍  
遇雙文好渡津推食公門歌夏屋同舟仙棹慰秋尊相思  
花發征鴻到顏色晶瑩澗水濱

蚤起呼童灌花

穿芳時傍曉雲耕已聽枝頭求友聲喚起欲愁今日事閒  
修未了短籬盟難私雨露園林好不慣兒童愛惜情豈有  
秋風資晚傲任他歲月自爲生

漫興

別調文章祇自憐蛾眉淡掃去朝天春山黛色原如畫彩

天愚山人詩集

卷八

今體詩

六

筆花椽肯久鮮入夢西堂誰遣句觀梅東閣意空懸老年  
新語羞才盡急手隨題揮素絃

酒旗

何處王孫舊酒樓杏紅村店豁雙眸枝頭綠使聲頻喚盞  
內黃中香已流客路共憐傷倦翼春郊遙指踏花騶馬周  
爲爾增豪興故向東風舞未休

時昇亡弟六旬感賦

虛稱週甲祝期頤已作衣冠夢寐思原上鶴鶴聲始喚天  
邊鴻雁影先差冰桃五月蓬萊會玉樹三秋寒歲姿何處  
神山縹緲望麻姑酒熟未歸時

乞花種

滿院清陰薦晚涼，卻慚三徑未誅荒。庭閒零落秋風草，門掩烟蘿曉月霜。不慣郭駝神圃藝，偏宜楊氏檻移芳。太清妙有分香手，莫使春心自過牆。

賤辰陳鴻賓自穿山見過

相期意氣在河干，媿我先飛騰羽翰。宦拙立朝無幾日，林深逐伴有餘歡。東山安石疎棋墅，東海任公自釣竿。誰問覽揆初度節，仙人駕鶴過層灘。

憂罹逢此歲，知寒憶昔桑。弧志已殘，鹿自山居，恣野性雲來。洞口護鷺滿，幽眠石上三生語。問渡行人，百里灘老健如君，今有幾十年遲我步趨難。

春盡日

天愚山人詩集

卷八

今體詩

九

東風無計挽春歸，賸得茲辰看落暉。塞草正同澗水綠，園林已變鳥音稀。梅將羯鼓催花早，一任鞦韆傍月微。晝永倦翻紅芍藥，教人珍重舊芳菲。

花陰寂寂靜無塵，院落微風何處春。紫燕畫梁忙自語，黃鶯幽谷懶呼人。衣單喜趁寒催盡，浴罷還看月踰輪。回首莫嗟寥落甚，賞心無地不如新。

三月廿七攜樽看芍藥

宜春曉露挺嬌姿，羞與花王鬪豔奇。淺種不教汙在土，贈人何故喚將離。名傳南國期先約，笑倚東風候未遲。相諶一樽溱洧樂，年年庭畔手堪攜。

早起聽諸孫讀書聲

一室絃歌意不孤  
童蒙求我氣成孚  
先傳卽愧謀貽遠  
有穀還須代起扶  
平旦氣清童子韻  
聞聲心慰老人娛  
後堂饒有霓裳曲  
怎得呀唔標美都

春日登候濤山和韻

勝賞何山不是東  
榆烟晴日散浮空  
落霞樹杪千家出  
聞尾墟歸萬水同  
衣振嘯舒山月白  
帆開錦燦海濤紅  
吳門匹練分光近  
指顧來王寓目中

二月逢寒食

陽回百六柳生春  
風雨街頭冷節新  
鞦韆影弄移殘夢  
月簫聲愁聽賣餠人  
家家酒灑青桐飯  
處處烟藏綠草茵  
車馬郊原落日靜  
數株松柏自相親

天恩山人詩集

卷八

今體詩

三

落花

吹笛高樓日色寒  
雨花天女散旂檀  
香浮金谷胭脂水  
色翦瓊樓錦繡團  
無主空迷劉阮路  
有情欲贈壽陽歡  
芳姿肯怨東風誤  
春自知歸久駐難

清明日連雨抵臺所卽大霽

霖雨知時土物滋  
松門追遠捧盤匱  
非驚雷迅我思動  
自切霜淒柳色遲  
子淚難乾天作雨  
親顏若在霽開曦  
天憐臺草風塵苦  
灑得青青豁縹眉

時昇弟墓所見遺孤啟跼知禮不禁淚下

十年宿草不勝情  
撫此遺孤痛若兄  
無貌於心膜外視  
比兒猶子掌中擎  
田荆樹老分連理  
姜被春回庇後生  
壓紐

無須良玉珮，猶牆卽看振前聲。

輓史封翁兼慰立菴太史

老人落事喜浮杯，燕喜堂前錦畫開。  
驛柳條垂遊子意，宮花帽插御香回。  
傷心畏聽椎牛恨，素旆言馳白馬來。  
有酒一樽光祿膳，問餘何賜可分醅。

賦得花枝照日然醉眼挽花眠和家天童韻

日從酒國訪長春，三徑徐徐故折巾。  
黃入秋容矜節晚，白浮宿醪未嫌頻。  
序來愛友霜飛雁，卽看高鶩風起鱗。  
莫道烏衣多逸調，好花常照不眠人。

燈夜雨席

春陰暗度藥欄前，拂拂東風火樹烟。  
星欲下簾花欲發，酒天愚人詩集

卷八

今體詩

三

將流飲月將圓樓臺夜氣迎賓座，院落簫聲繞畫筵。  
此夕不勝頻刻燭，未知狂客是何仙。  
打燈春雨借秋聲，人語瑤街望月行。  
那得柑傳三兩箇，也知梅放萬千莖。  
海樓珠暗瓊林席，風榭杯浮偶坐桴。  
共說金吾不禁夜，誰教娥影故藏明。

